

## Praxis VII.

444. In triangulo quovis datis tribus lateribus, angulos invenire.

**TAB.** Sumptis ex scala tribus rectis  $b m$ ,  $b c$ ,  
**X.**  $c n$  totidem partium, quot in datis lateribus pedes continentur, centris  $b$  &  $c$ ,  
**Fig.** intervallis  $b m$ ,  $c n$  describantur arcus circulorum se mutuo intersecantium in  $a$ ;  
**264.** ductisque  $a b$ ,  $a c$ , erit triangulum  $b a c$  dato triangulo aequiangulum ob latera proportionalia, unde & altitudo, & area innotescet. Sed de his planius in Trigonometria constabit.

## ELEMENTUM III.

*De Polygonis similibus generatim, & de Punctis similiter positis.*

445. FIGURÆ rectilineæ, ut similes denominantur, utrumque postulant, quod & angulos singulos singulis aequales habent, atque etiam latera, quæ circum aequales angulos existunt, proportionalia.

Demonstravimus quidem n. 410. & 415., triangula, quorum anguli sunt aequales, habere etiam latera homologa proportionalia, & reciprocè; atque hinc, ut duo triangula similia dici possint, satis supérque esse, si vel eorum anguli sint aequales, vel latera proportionalia.

At non eadem est ratio de polygonis, quæ plura habent, quam tria latera, ut notavimus n. 396. Nam & angulos habere

bere possunt mutuò æquales, quin habeant latera proportionalia, & reciproce. Utrumque igitur demonstrandum est de polygonis, ut dicantur similia; neque enim in his unum ex altero sequitur; quemadmodum in triangulis.

## PROPOSITIO I.

446. Theorema. Si ab angulis A & M mutuò respondentibus duorum similium polygonorum ABCDEF, MNOPQ  
 R ducantur rectæ ad reliquos angulos, triangula ABC, ACD &c. primi polygoni similia erunt triangulis MNO, MOP &c. secundi. Euclid. lib. 6. prop. 20.

TAB.  
X.  
Fig.  
265.

Demonstratio. Quoniam polygona sunt similia, erit (n. 445.) angulus B = N, & AB : MN :: BC : NO; itaque [n. 414.] duo triangula ABC, MNO erunt similia; & consequenter angulus ACB = MON. Sed per hyp. angulus BCD = NOP. Quare subductis duabus primis angulis æqualibus ab hisce secundis, erit angulus ACD = MOP. Præterea habebitur

$$AC : MO :: BC : NO$$

At rursum ex hyp. BC: NO:: CD: OP.  
 Ergo  $AC: MO:: CD: OP$ .

Quamobrem duo triangula ACD, MO P habent latera proportionalia circa æquales angulos ACD, MOP, & consequenter similia sunt (n. 414.).

Eadem ratione demonstrabitur similia

lia esse duo triangula ADE, MPQ; atque ita de reliquis. Quod erat &c.

## PROPOSITIO II.

447. Theorema. Si duo polygona AB TAB. CDEF, MNOPQR eodem numero la-  
X. terum terminata, dividantur in triangu-  
Fig. la similia, singula singulis, & similiter  
265. posita, per rectas ab angulis A & M du-  
265. etas ad reliquos omnes angulos: duo bæc  
polygona erunt similia, hoc est, & angu-  
los omnes habebunt æquales, singulos fin-  
gulis, & latera circa æquales angulos  
proportionalia.

Demonstratio. I. Quoniam per hyp.  
utriusque polygoni triangula sunt inter se similia, & similiter posita, anguli ho-  
rum polygonorum componuntur ex eodem  
numero angulorum mutuo æquali-  
um, & consequenter æquales sunt in-  
ter se, singuli singulis.

II. Duo triangula ABC, MNO simili-  
lia esse ponuntur; adeoque AB:MN ::  
BC: NO; hoc est, latera circa æquales  
angulos B & N directè sunt proporcio-  
nalia.

Rursum eadem triangula similia AB  
C, MNO exhibent BC:NO :: AC:  
MO.

Atqui per hyp. AC:MO :: CD:OP.  
Ergo BC:NO :: CD:OP;  
hoc est, latera circa æquales angulos C  
& O sunt directè proportionalia.

Eodem

Eodem modo demonstrabitur reliqua latera circa æquales angulos esse proportionalia, & consequenter duo polygona esse similia. Quod erat &c.

## Corollarium I.

448. Si ab angulo quovis A polygoni ABCDEF ducantur rectæ indefinitæ ACC, ADD, AEE &c. per omnes reliquos angulos: deinde à puncto b sumpto in latere AB, etiam producto, ducatur b c parallela lateri BC; & rursum à puncto c, ubi hæc parallela occurrit rectæ ACC, ducatur cd parallela ipsi C D, & similiter de, ef: hoc novum polygonum ABCdef simile erit primo polygono ABCDEF.

TAB.  
X.  
Fig.  
266.

Nam utrumque componitur ex triangulis similibus, & similiter positis.

Hinc habes methodum construendi polygonum dato simile.

## Corollarium II.

449. Si ab angulis mutuò respondentibus duorum polygonorum similiū A BCDEF, MNOPQR ducantur duæ diagonales AD, MP, duæ partes ABC D, ADEF primi polygoni similes erunt duabus partibus MNOP, MPQR secundi polygoni, singulæ singulis.

TAB.  
X.  
Fig.  
265.

Nam intra easdem partes ductis diagonalibus AC, MO, triangula, quæ partem ABCD componunt, similia erunt triangulis, quæ secundam partem con-

P 5                      stituunt

stituunt MNO P; & præterea utrinque hæc triangula sunt similiter posita. Ergo duæ partes ABCD, MNOP erunt similes (n. 446.).

Eodem ratiocinio demonstrabis, duas reliquas ADEF, MPQR similes esse.

### Corollarium III.

450. Ergo duæ diagonales AC, M

**TAB.** O, ductæ per angulos respondentes

X. duorum similiū parallelogrammorum

**Fig.** ABCD, MNOP, dividunt eadem in

267. duo triangula similia, singula singulis.

268. Quamobrem duo triangula similia ABC, MNO considerari poterunt tanquam semisses duorum parallelogrammorum similiū ABCD, MNOP.

### De Punctis similiter positis.

#### DEFINITIONES.

451. Duo puncta G & S dicuntur similiter posita respectu duarum rectarum AB, MN, seu respectu punctorum A, B, & M, N, quæ easdem lineas terminant, quando distantia GA, GB unus puncti G ab extremitatibus rectæ AB, ad distantias SM, SN alterius puncti S ab extremitatibus rectæ MN, sunt in eadem ratione, quam habet AB ad MN.

X

**Fig.** Hoc est, quando GA: GB: AB :: SM: SN: MN.

269. **Casus I.** Si puncta G & S sita sint in

in ipsis rectis AB, MN: ut demonstrentur esse similiter posita respectu harum linearum, satis erit ostendere, quod GA:GB :: SM:SN,  
five GA:SM :: GB:SN.

Ratio est, quia in hoc casu haberetur  
(n. 394.)

GB:SN :: GA — GB:SM — SN;  
hoc est GB:SN :: AB : MN.

Collectis itaque in una serie antecedentibus harum rationum æqualium, & in altera serie consequentibus, erit, ut in definitione.

GA:GB:AB :: SM:SN:MN.

Rursum in eodem casu, satis erit ostendere, quod AB:GA :: MN:SN,  
vel AB:MN :: GB:SN.

Ratio est, quia in hoc casu haberetur  
AB:MN :: AB — GA:MN — SM  
(n. 394.), five AB:MN :: GB : SN.  
Collectis itaque, ut prius, in una serie antecedentibus harum rationum æqualium, & consequentibus in altera, fiet:

AB:GA:GB :: MN:SM:SN.

*Casus II.* Si puncta G & S sint extra rectas AB, MN: ut demonstretur X.  
hæc puncta esse similiter posita respectu Fig.  
harum linearum, satis erit ostendere, 269.  
triangula AGB, MSN esse similia.

Nam in hoc casu erit.

TAB.

GA:GB:AB :: SM:SN:MN. X.

Si duæ rectæ FG, RS, terminentur Fig.  
à punctis similiter positis respectu duarum recta-

recta-

rectarum AB, MN: eadem rectæ FG,  
RS dicentur lineæ homologæ respectu  
rectarum AB, MN.

- TAB.** Duo puncta G & S dicuntur etiam  
X. similiter posita respectu duorum polygo-  
**Fig.** norum similiū ABCDE, M NOP  
**271.** Q, quando sunt similiter posita ad om-  
nia eorum respectivè latera.

*Corollarium.*

- TAB.** 452. Ergò extremitates B & N dua-  
rum rectarum AB, MN sunt similiter  
X. posita respectu earundem rectarum.  
**Fig.** Nam & hæc duo puncta B & N sunt in  
**269.** ipsis rectis AB, MN, & eorum dis-  
tantiae ab extremitatibus A & M sunt  
hinc duabus rectis proportionales, ut  
patet.

*PROPOSITIO III.*

- TAB.** 453. Theorema. Duobus punctis G  
& S similiter positis respectu duarum  
X. rectarum AB, MN: si ab iisdem punc-  
**Fig.** tis ad basce lineas ducantur rectæ GH,  
**269.** ST hæc lege, ut duo anguli GHB, S  
TN sint æquales, & similiter positi,  
erunt pariter duo puncta incidentia H &  
T similiter posita respectu earundem rec-  
tarum AB, MN.

*Demonstratio.* Nam, si à punctis G  
& S ducantur rectæ GA, GB, & S  
M, SN ad extremitates rectarum A  
B, MN, triangula AGB, MSN e-  
runt similia (n. 451.); & conseqüenter  
angulus ABG = MNS.

Quia

Quia verò angulus  $GHB = STN$   
per hyp., duo triangula  $BGH$ ,  $NST$   
duos angulos habebunt aequales, unum  
uni, alterum alteri, & consequenter  
erunt similia. (n. 410.)

Atqui in triangulis similibus  $AGB$ ,  $MN$   
 $SN$  est  
 $AB:MN :: GB:SN;$   
& in triangulis pariter similibus  $BGH$ ,  
 $NST$  est

$$GB:SN :: HB:TN.$$

Ergò  $AB:MN :: HB:TN;$   
adeoque per Def. (n. 451.) puncta  $H$  &  
 $T$  erunt similiter posita in duabus rec-  
tis  $AB$ ,  $MN$ . Quod erat &c.

### Corollarium.

454. Quoniam demonstratum est n.  
 446. similia polygona  $ABCDEF$ ,  $MN$   
 $NOPQR$  dividi in similia triangula,  
hinc sequitur [ n. 451. ] vertices quos-  
cunque  $A$  &  $M$  duorum angulorum  
mutuò respondentium in iisdem poly-  
gonis, esse similiter positos respectu  
omnium laterum homologorum, non  
exceptis lateribus  $AB$ ,  $AF$ , & eorum  
homologis  $MN$ ,  $MR$ , respectu quo-  
rum demonstratum est n. 452.  $A$  &  $M$   
esse similiter posita.

TAB.  
X.  
Fig.  
265.  
265.

Quare vertices  $A$  &  $M$  erunt similiter  
positi respectu horum polygonorum.

### PROPOSITIO IV.

455. Theorema. Si duo puncta  $F$ ,  
 $R$ ,

R, & alia duo G, S sint similiter posita respectu duarum rectarum AB, MN: rectæ homologæ FG, RS ab iisdem punctis terminatæ, erunt in eadem ratione, quam habent inter se due rectæ AB, MN.

Hoc est, FG: RS :: AB, MN.

Demonstratio. Quoniam puncta F &

TAB. R sunt similiter posita respectu duarum

X. rectarum AB, MN, triangula AFB, Fig. MRN erunt similia (n. 451.), & con- 270. sequenter anguli FAB, RMN æqua- les.

Rursum, quia puncta G & S sunt similiter posita respectu earundem rectarum AB, MN, triangula AGB, MSN sunt similia, atque hinc anguli G AB, SMN æquales.

Ergo ab æqualibus angulis GAB, S MN subducendo utrinque æquales F AB, RMN, erunt reliqui FAG, RMS inter se æquales.

Quia verò triangula AFB, MRN sunt similia, erit AF:MR :: AB:MN. Sed triangula pariter similia AGB, MSN exhibent

$$AB:MN :: AG:MS.$$

Ergo  $AF:MR :: AG:MS.$

Quare duo anguli æquales FAG, RMS à lateribus proportionalibus intercipiuntur; & consequenter duo triangula erunt similia (n. 414.); atque hinc

$$FG:RS :: AF:MR.$$

Atqui

Atqui demonstratum est AF:MR::

AB:MN.

Ergo FG:RS::AB:MN.

Quod erat &c.

*Corollarium.*

456. Hinc, si duæ rectæ FG, RS terminentur à punctis similiter positis TAB. respectu duarum aliarum rectarum AB, X. MN; etiam extremitates harum AB, MN Fig. erunt puncta similiter posita respectu 270. duarum rectarum FG, RS.

Nam, quoniam ostensum est (n,  
455.) triangula FAG, RMS esse similia, erunt puncta A & M similiter posita respectu duarum rectarum FG,  
RS [n. 451.].

Eodem modo propter similitudinem triangulorum BFG, NRS demonstrabis, duo puncta B & N esse similiter posita respectu duarum rectarum FG,  
RS.

**PROPOSITIO V.**

457. Theorema. Si tria puncta F,  
G, H respectu rectæ AB sint similiter posita, quemadmodum tria puncta R, S,  
T respectu alterius rectæ MN, erit triangulum FGH simile triangulo RST.

Demonstr. Nam  $\begin{cases} FG:RS::AB:MN \\ GH:ST::AB:MN \\ FH:RT::AB:MN \end{cases}$  TAB.  
(Num. 455.) X. Fig.  
hoc est, tria latera unius trianguli ad tria latera alterius singula singulis, erunt in 272.  
eadem

eadem ratione AB ad MN ; & confe-  
quenter &c. Quod erat &c.

*Corollarium.*

458. Facta eadem suppositione sequitur etiam propter similitudinem triangulorum FGH, RST, quod tria puncta F, G, H, & alia tria R, S, T sint etiam inter se similiter posita : hoc est, quodvis H ex tribus primis respectu duorum reliquorum F, G, aut rectae FG, simili-  
liter esse positum, atque aliud respon-  
dens punctum T ex tribus ultimis respe-  
ctu duorum aliorum R, S, aut rectae  
RS.

**PROPOSITIO VI.**

459. Theorema. Si duo puncta H, T  
sint similiter posita respectu duarum recta-  
rum FG, RS, quæ terminatae sint à pun-  
ctis similiter positis respectu duarum alia-  
**TAB.** rum AB, MN : Dico hæc puncta H, T  
**X.** fore etiam similiter posita respectu earun-  
**Fig.** dem rectarum AB, MN.

**272.** *Demonstratio.* Quoniam per hyp. ex-  
tremitates duarum rectarum FG, RS  
sunt similiter positæ respectu duarum A  
B, MN, etiam harum extremitates erunt  
reciproce similiter positæ respectu duarum  
FG, RS (n. 456.).

Quia verò per hyp. etiam duo pun-  
cta H, T sunt similiter posita respectu  
duarum FG, RS, sequitur tria puncta  
A, B, H, & ipsis respondentia M, N, T  
fore

**fore similiter posita respectu duarum F G, R S.**

Quare triangula AHB, M TN erunt similia (n. 457.) ; & consequenter duo puncta H, T erunt similiter posita respectu duarum rectarum AB, MN, Quod erat &c.

*Corollarium I.*

460. Demonstravimus (n. 454.) latera mutuò respondentia duorum simili- TAB.  
um polygonorum ABCDE, MNO X.  
PQ esse similiter posita respectu omni- Fig.  
um laterum homologorum, & conse- 271.  
quenter respectu eorundem polygono- 273.  
rum. 274.

Ergò, si duo puncta G, S sint similiter posita respectu duorum laterum homologorum AB, MN, erunt etiam similiter posita respectu omnium laterum homologorum, & consequenter respectu ipsorum polygonorum.

*Corollarium II.*

461. Si duæ rectæ FG, RS terminen- TAB.  
tur à punctis similiter positis respectu X.  
polygonorum similiū ABCDE, M NOPQ, vel etiam duorum laterum Fig.  
homologorum AB, MN: puncta H, T, 273.  
quaे erunt similiter posita respectu dua- 274.  
rum rectarum FG, RS, erunt etiam similiter posita respectu horum laterum homologorum AB, MN (n. 459.), & consequenter (n. 460.) respectu eorundem polygonorum.

Q

Sequi-

Sequitur etiam puncta G, S, quæ sunt similiter posita respectu duarum diagonalium homologarum CE, OQ, fore etiam similiter posita respectu polygonorum ABCDE, MNOPQ.

## PROPOSITIO VII.

462. Theorema. Si in duobus polygonis similibus ABCDEF, MNOPQR circumducatur circulus per vertices A, C, E trium quorumlibet angulorum primi polygoni, & alter per vertices M, O, Q trium matuò respondentium angulorum secundi : Dico centra G & S borum circiorum esse puncta similiter posita respectu eorundem polygonorum.

Demonstratio. Quoniam (n. 454.) in duobus polygonis similibus vertices angularum respondentium sunt similiter positi respectu omnium laterum homologorum : erunt tria puncta A, C, E, & alia tria M, O, Q similiter posita respectu laterum homologorum AB, MN ; & consequenter (n. 457.) duo triangula erunt similia , & anguli CAE, OMQ, quorum vertices ad circumferentiam existunt , æquales , & arcus CE, OQ, quibus insistunt , similes , seu ejusdem numeri graduum. Ergo , si à centris duorum circiorum ducantur radii ad extremitates arcum CE, OQ, duo anguli ad centra G & S æquales erunt ; adeoque duo triangula isoscelia CGE, OSQ erunt similia (n. 411.).

Itaque

Itaque (n. 450.) centra G & S erunt similiter posita respectu duarum diagonalium homologarum CE, OQ, atque etiam (n. 461.) respectu duorum polygonorum similium. Quod erat &c.

## Corollarium.

463. Ergo, si polygona similia AB TAB.  
CDEF, MNOPQR sint circulis in IX.  
scripta, centra G & S circulorum erunt Fig.  
similiter posita respectu eorundem po- 277.  
lygonorum. 278.

## LEMMA.

464. Si angulus BAD à duabus ejus- TAB.  
dem circuli tangentibus comprehendatur, X.  
recta AC ab ejus vertice per centrum C Fig.  
ducta, eundem angulum bifarium secabit. 279.

*Demonstratio.* A centro ad duo pun-  
cta contactuum ducantur radii CB, CD,  
qui perpendiculares erunt tangentibus  
AB, AD (139). Ergo obliqua CA  
ab hisce duabus perpendicularibus æqua-  
liter recedet; quod dabit  $AB = AD$ .  
Itaque duo triangula ABC, ADC mu-  
tuò æquilatera, erunt etiam mutuò æqui-  
angula; & angulus BAC = DAC.  
Quod erat &c.

## PROPOSITIO VIII.

465. Theorema. In duobus polygonis TAB.  
similibus ABCDEFGHI, abcdefg X.  
hi si describantur duo circuli, quos respe- Fig.  
ctive tangent tria latera homologa que- 280.  
cunque AB, DE, FG, & ab, de, fg: 281,  
Q. 2 Dico.

Dico contra K, k duorum circulorum fore puncta similiter posita in bisce duobus polygonis.

*Demonstratio.* Producantur in primo polygono latera tangentia AB, DE, FG, donec concurrant in L & M ; ducanturque diagonales AG, BD, & à centro K rectae KL, KM, quæ per Lemma divident bifariam angulos MLF, LME. Eadem constructio fiat in secundo polyno : uti vides in adjecto schemate.

His positis, quoniam duæ diagonales AG, ag transeunt per angulos respondentes duorum similiūm polygonorū, erunt partes pariter respondentes ABC DEFG, abc defg inter se similes (n. 449.), & anguli BAG, FGA æquales angulis bag, fga, uterque utriusque. Ergo illorum complementa LAG, LG A æqualia erunt horum complementis lag, lga ; atque adeo (n. 411.) duo triangula ALG, alg erunt similia, & puncta L & l similiter posita respectu duarum homologarum diagonalium AG, ag (n. 451.), atque etiam respectu polygonorum similiūm ABCDEFG HI, abc defghi (n. 461.).

Eodem modo demonstrabitur triangula BMD, bmd fore similia, & puncta M & m pariter similiter posita in polygonis similibus.

Jam verò triangula ALG, BMD cum sint similia triangulis respondentibus alg, bmd.

*b m d*, anguli L & M, quos tangentes efficiunt, æquales erunt angulis *l* & *m*, quos aliae tangentes intercipiunt, & illorum semisses *M L K*, *L MK* æquales erunt horum semissibus *m l k*, *l m k*.

Quare triangulum LKM simile erit triangulo *l k m*; & consequenter centra K, *k* erunt similiter posita respectu duorum rectarum LM, *l m*.

Quia verò duæ rectæ LM, *l m* terminantur à punctis similiter positis respectu duorum polygonorum ABCDEFG HI, abc def ghi, erunt centra K, *k* (n. 461.) similiter posita respectu horum similiūm polygonorum. Quod erat &c.

### Corollarium.

466. Hinc, si duo polygona similia TAB.  
ABCDEF, abcdef sint circulis cir- X.  
cumscripta, centra K, *k* horum circu- Fig.  
lorum erunt puncta similiter posita in 282,  
hīscē duobus polygonis. 283.

Quia verò duo circuli considerari possunt instar duorum similiūm polygonorum, quorum latera numero augentur, & magnitudine minuuntur in infinitum: hīc perspicuum est centra duorum circulorum esse puncta similiter posita in eisdem circulis.

# PRAXIS GEOMETRICA DE RE ICHNOGRAPHICA.

In superioribus Theorematis p̄eclarē jaēta sunt fundamenta totius Ichnographiæ, cuius rude quoddam specimen dabo Tironibus, quantum fatis est, ut h̄isce principiis instructi, ad eos Scriptores conferre se possint, qui hanc facultatem singulari studio excoluerunt; hortórque imprimis eos, qui rei ichnographicæ daturi sunt operam, ut legant, terantque manibus egregium sānè opus Joannis Jacobi de Marinonis celeberrimi Professoris Matheſeos, & p̄fertim Astronomiæ in Aula Viennensi, ac Cæſarei Regii Consiliari, qui & Tabulæ Prætorianæ uſum, atque p̄eſtantiam mirificè explicavit, & totius rei ichnographicæ ſcientiam novis animadverſionibus, inventisque ita amplificavit, ut in hâc illuſtrandâ paucos sānè noſtra hâc ætate habuerit pares, ſuperiorem forraſte neminem.

## DEFINITIO.

467. *Ichnographia Regni, Toparchiæ, Urbis, Oppidi, vel eorum partis cuiuspiam, eſt delineatio basis, vefigii, ſituūmque horizontalium, in quibus apparerent omnia ex ſublimi quodam verticali puncto, ſi ſingula diſtincte conſpici poſſent.*

Hujus-

Hujusmodi delineatio Mappa vocari solet, in qua multò distinctius, quam in pictura prospectuum, apparet partium positio, distantia, earumque proportio; & ope Scalæ geometricæ quantitas areae elici potest ex delineata ejus extensione, utpote ad similem figuram reducta.

## Problema I.

468. *Areae cuiusdam campestris rectilineæ liberè permeabilis Ichnographiam perficere; hoc est, figuram areæ campesti similem describere.*

TAB.  
X.  
Fig.  
284.

*Resolutio.* I. Seligantur in ea planitie puncta quædam spectabilia A, B, C, D, E, F, G, H, I &c. nimirum, domus, arbores &c, quorum positio determinanda est, eaque in Mappam traducenda.

II. In aliqua ejusdem areae parte, quæ latè pateat, & permeabilis sit, mensuratur exactè, & juxta quamlibet directiōnem recta M N, à cuius extremitatibus plura spectari possint puncta, quorum positionem determinare velis.

III. Sumptò ad capiendos angulos idoneò instrumento, in utraque extremitate rectæ M N metire angulos, quos hæc linea efficit cum lineis directis versus puncta A, C, D, E, quæ à duobus punctis M & N spectari poterunt; hoc est, in prima statione M capiendi erunt anguli NMA, NM B, NMC, NMD, NME; & in secunda

statione N similiter anguli MNA', MN  
B, MNC, MND, MNE.

IV. Puncta A, B, C, D, E observata à duabus extremitatibus rectæ MN, erunt vertex totidem triangulorum MAN, MBN, MCN, MDN, MEN, quorum basis communis jam nota in aliqua mensura, erit MN, notis pariter singularum angulis ad basim. Ex hisce datis reliqua elicentur in eisdem triangulis; atque hinc derivabitur constructio aliorum similium triangulorum, quorum communis basis referatur ad eandem MN.

V. Itaque, ut in Mappa repræsentetur positio punctorum A, B, C, D, E, quæ observata fuerint à duabus extremitatibus rectæ MN, ducenda erit recta mn, quæ totidem partes æquales cujusunque magnitudinis continebit ope Scalæ geometricæ, quot pedes, vel hexapedæ, vel decempedæ &c. inventæ fuerint in recta MN.

VI. A punto m ducantur rectæ m a, mb, mc, md, me, quæ cum recta mn, efficiant angulos nma, nmb, nmc, nmd, nme æquales angulis NMA, NM B, NMC, NMD, NME, quorum quantitas jam explorata est. Similiter fiat ab altera extremitate n. Hac methodo super recta mn construentur triangula man, mbn, mcn, mdn, men, quæ familia erunt, singula singulis, triangulis

TAB.  
X.  
Fig.  
285.

lis MAN, MBN, MCN, MDN, M  
EN, quæ constituta sunt super recta M  
N; ac propterea vertices *a*, *b*, *c*, *d*, *e*  
triangulorum in charta, repræsentant  
vertices A, B, C, D, E triangulorum  
in campo.

VII. Siverò aliorum etiam punctorum  
positio in campo determinanda sit, ut  
notetur in charta: concipiatur recta AB  
inter puncta A & B, quorum positio in-  
venta jam sit; capianturque anguli, quos  
radii visuales efficiunt ab extremitatibus  
A & B versùs nova puncta F & G, quæ  
erunt vertices totidem triangulorum A  
FB, AGB super eadem basi AB; quo-  
rum duo ad basim anguli noti sient per  
instrumentum. Quamobrem in Mappa  
construi poterunt similia triangula *afb*,  
*agb* super recta *a b* terminata à duabus  
punctis *a* & *b*, quæ jam repræsentant  
puncta A & B in campo; & horum tri-  
angulorum *afb*, *agb* vertices *f* & *g* re-  
præsentant duo puncta F & G.

VIII. Simili methodo in eadem Map-  
pa per nova puncta *b* & *i* designabitur  
positio aliorum punctorum H & I, quæ  
conspici poterunt à duabus punctis B,  
D; atque ita de reliquis.

*Demonstratio.* Ut planum faciam sin-  
gula puncta in Mappa repræsentare ex-  
actè positionem punctorum notabilium  
in campo, satis est ostendere distantias  
omnes inter puncta A, B, C, D, E, F,

Q

G

TAB.  
X.  
Fig.  
284.  
285.

G &c. proportionales esse distantiis respectivis inter puncta  $a, b, c, d$  &c. in Mappa.

Itaque puncta A, B, C, D, E, quæ observata sunt ab extremitatibus basis M N, & eorum relativa  $a, b, c, d, e$  in Mappa, cum sint vertices triangulorum similiūm, singulorum ad singula, & similiter positorum respectu eorum basis M N,  $m n$ , erunt pariter similiter posita respectu earundem basium M N,  $m n$  (n. 451,)

Idem dicendum de punctis F, G, & eorum respectivis  $f, g$  respectu suarum basium A B,  $a b$ . Cum autem duæ istiusmodi bases A B,  $a b$  terminentur à punctis similiter positis respectu duarum rectarum M N,  $m n$ : etiam puncta F, G, & eorum respectiva  $f, g$  erunt pariter similiter posita respectu earundem rectarum M N,  $m n$  (n. 459.).

Eodem ratiocinio utendum circa puncta H, I, & eorum respectiva  $h, i$ .

Ergo distantiæ inter puncta A, B, C, D &c. in campo, proportionales erunt distantiis inter puncta  $a, b, c, d$  &c. respectiva in Mappa, & consequenter erunt utrobique eodem modo disposita. Quod erat &c.

Recta autem  $m n$  usui erit instar Scalæ geometricæ ad metiendas distantiæ inter diversa puncta ejusdem Mappæ.

## Scholion.

*Quamvis methodus, quam attulimus,  
accommodari etiam possit ad determinan-  
dum cursum fluminum, riparum, ac si-  
nuositatem viarum, ut in Mappam tra-  
ducantur: tamen, quia, ut exactè repræ-  
sententur, opus est saepius percurrere, &  
metiri singulas camporum partes, quarum  
positio, & figura determinanda est: idcir-  
co in hisce casibus commodiorem metho-  
dum dabo.*

## Problema II.

469. *Sinuosam fluminis ripam ope Pix-  
idis magneticæ pinnulis instructæ ichno-  
graphicæ in Mappa describere.*

*Resolutio.* Inter puncta A & E deter-  
minare oporteat in Mappa vel cursum  
fluminis, vel sinuosum iter ABCDE.

I. Notissima res est versorium acus  
magneticæ constanter dirigi ad eandem  
mundi plagam, borealem, & australem,  
cum aliqua levi declinatione pro varieta-  
te regionum, eidemque lineæ meridia-  
næ semper respondere. Quare, si acus  
magnetica successivè collocetur in diver-  
sis ripæ punctis A, B, C, D, omnes ver-  
sorii directiones AN, BN, CN, DN  
considerari poterunt tanquam invicem  
parallelæ.

II. Figantur pali in extremitatibus A,  
E, & in singulis ripæ flexibus B, C, D;  
tum explorentur anguli NAB, NBC,

TAB.

X.

Fig.

286.

287.

N

NCD, NDE, quos directio acūs magnetice efficit cum radio visivo ad proximiōrem palum; mensurenturque omnes distantiae AB, BC, CD, DE.

III. Antequam transferentur in Mapam quantitates horum angulorum, notaeque distantiae, separatim in charta ducatur recta  $a\ n$ , quæ repraesentet directionem A N magnetis; & punctum  $a$  designet primum punctum A ripæ flexuofæ. Fiat deinde angulus  $n\ a\ b$  æqualis angulo N A B; sumaturque  $a\ b$  toridem partium Scalæ, quot pedes, vel hexapedæ inventæ fuerint in AB.

IV. Ducatur à puncto  $b$  recta  $b\ n$  parallela ipsi  $a\ n$ , ut repraesentetur directio BN magnetis in secunda statione B; & reliqua peragantur, ut prius, in punctis  $b, c, d$ . Dico factum.

*Demonstratio.* Nam rectæ AB, BC, CD, DE sunt per Constructionem proportionales totidem respectivè rectis  $a\ b$ ,  $b\ c$ ,  $c\ d$ ,  $d\ e$ ; angulique æquales, singuli singulis. Ergò puncta omnia A, B, C, D, E, & eorum relativa  $a, b, c, d, e$  sunt similiter posita. Ductis enim rectis AC, BD, CE, &  $a\ c$ ,  $b\ d$ ,  $c\ e$ , triangula ABC, BCD, CDE similia erunt triangulis  $a\ b\ c$ ,  $b\ c\ d$ ,  $c\ d\ e$ . Ergò figura  $a\ b\ c\ d\ e$ , quam constitutimus, sinuosam fluminis ripam exactè repræsentat. Quod erat &c.

## Problema III.

470. *Aream campestrem ichnographi-  
cè delineare per Dioptram, seu normam TAB.  
Mensorum, quam Itali vocant Squadra, XI.  
Galli l'Equerre d'Arpenteur.*

Fig.

Inter instrumenta in campo usitata , 258.  
simplicissimum illud est, ac sæpè, & utiliter adhibetur, inquit laudatus de Marinonis , in areis perviis , & plerūmque in planitie jacentibus , ut dirimantur in triangula rectangula , quadrata , & oblonga , vel in trapezia duorum laterum æquidistantium , & ad communem basim normalium ; narratque citatus Auditor Geometris Insubriæ tantâ in aestimatione fuisse , ut diu potuerit de palma contendere cum ipsa Tabula Prætoriana , cuius usum , atque præstantiam ex eodem eximio Scriptore mox exponam. Hæc norma mensoria quatuor pinaculis instructa sit , quarum dioptrae sint in duobus planis invicem perpendicularibus.

Esto planities ABCDEF ichnographicae delineanda.

I. Designetur bacillus recta FD , quæ transeat per duo quævis puncta , quæ Mensori videantur magis idonea ; dein subsidio hujus normæ in eadem recta FD quærantur puncta G , H , I , K , quæ perpendiculariter respondent vertici angularum A , B , C , E propositæ figuræ.

II. Masurentur perpendicularares AG,  
BH,

BH, CI, EK, & præterea partes à perpendicularibus interceptæ FG, GH, HI, IK, KD.

III. Omnes istiusmodi mensuræ ope Scalæ geometricæ transferantur in chartam, erectis perpendicularibus, junctisque punctis f, a, b, c, d, e. Dico hujus perimetrum repræsentare exactè areæ campestris perimetrum ABCDEF.

**TAB.** *Demonstratio.* Triangula rectangula XI. FGA, AGD, FHB, BHD, FIC, C Fig. ID, FKE, EKD, & eorum relativa fg 288. a, agd, fbd, b &c. sunt similia, singula 289. singulis, quippe quæ per Constr. habent latera circa angulum rectum proportionalia. Quare triangula FAD, FBD, FCD, FED, & eorum respectiva fad, fbd, fcd, fed composita erunt ex triangulis similibus; & consequenter (n. 447.) similia erunt, singula singulis. Hinc (n. 451.) puncta A, B, C, E, & eorum respectiva a, b, c, e erunt similiter posita respectu duarum rectarum FD, fd, & omnia puncta A, B, C, D, E, F, & eorum respectiva a, b, c, d, e, f erunt pariter inter se similiter posita. Quod erat &c.

#### Problema IV.

471. *Tabulæ Prætorianæ descriptio ex Joanne Jacobo de Marinonis.*

Instrumentis omnibus, quæ ad angulorum, distantiarumque mensuras ritè capien-

capiendas excogitata sint à Geometris, præferri meretur hodierna Tabula, quam Prætorianam vocant, celebris Inventoris sui Joannis Prætorii adscito nomine anno 1576., quāmque novis animadversionibus, inventisque ad meliorem formam, usūmque revocavit Johannes Jacobus de Marinonis, qui eo ipso tempore, quo hæc Geometriæ Elementa typis edere parabam, ad me Viennâ transmisit egregium opus suum de re iehnographicā; cui, & me plurimū debere fateor in hac Geometriæ practicæ parte, atque, prout ordo Elementorum feret; sic ejus inventa breviter perstringam, ut Tironibus meis acuam sitim, quò fiat, ut relictis rivulis, ad fontes, ac totius rei iehnographicæ scientiam, quam in hoc opere complexus est, quantocius se conferant. Descriptionem Tabulæ referam Auctoris verbis.

Primum ostenditur oblonga lignea tabula AB, & quidem in postica, vel infima ejus parte, ut appareat quomodo sustineatur à fulcro in tripodem desinente.

TAB.

XI.

Fig.

290.

Deinde conspicitur fulcri epistylium C D cylindricum, basim supremam habens pedalis diametri, & crassitatem pollice maiorem, ut tripodis genua contineat, ipsi epistylio adglutinata, cuneisque firmata.

Genibus inseruntur tripodis crura EF, traejetis clavis GH, qui motui axem suppeditant, additis matricibus IK, quæ genibus

nibus crura in unam' compagem adstringunt, & motum liberiorem impediunt.

Ad epistylii structuram parati erant tres lignei semicylindri L, quorum in singulis pars media integrum suum retinuit erasfitem: duo autem reliqui trientes non nisi medium; ut sex hi sectores excisi, simumque conjuncti, & adglutinati unicum cylindrum componerent, ligni alterationibus minus obnoxium.

Quadrum QR (hoc nomine uti liceat) aptatur Tabulæ in postica ejus parte; inservit nempe subscudibus ibi affixis, perque coobreas Y, X Tabulæ adstringitur. In medio hujus quadri firmatus est axis orichalcicus, aut ligneus ST, qui centrum epistylii pervadens, cum quadro, a Tabula volvitur, à matrice sua M adstringendus, interjectâ laminâ octogonâ O, quæ prisma P congruit.

Axis centralis N in quadro firmatus ostenditur. Non raro tamen solet idem axis Tabulæ affigi, vel adglutinari; sed consultius est quadro ipsum apponi, ut Tabula queat à fulcro sejungi, aliisque substitui; sicque idem axis duabus, aut pluribus Tabulis inserviat.

Mensura Tabulæ arbitraria relinquuntur. Olim erat unius pedis quadrati, ideoque modici usus. Nunc ejus longitudo excrevit ad tres pedes, latitudo ad duos cum dimidio, ut nimirum excedat folium chartæ majoris, quam imperiale apellant.

Charta

*Charta Tabulæ apponenda, resectis extremitatibus marginibus, ut fiat rectangula, tota madefit ope humide spongiae, vel humidi penicilli majoris, sive convoluta relinquitur ad horæ spatum.*

*Deinde margines tenaci glutine farinaceo in adversa parte obducti, Tabulae ad glutinantur; postque levem extensionem charta rursum madefit intra margines, ut bi exsiccentur, folio adbuc humido manente.*

*Nocet autem hujusmodi folio paulo ante extenso proximitas fenestrae, vel januae patentis; quia ob liberum aëris ingressum nimis citè exsiccatur; ideoque à glutine non detinetur. Nocet quoque vicinia calefactæ fornacis, vel, si æstivo tempore soli exponitur; quoniam, si fuerit exsiccatum, & à glutine detinetur, vi caloris contrabitur, & laceratur.*

Addit præterea accuratè, more suo, complures alias observationes in constructione hujus Tabulæ, ac præsertim, ut ubivis situm horizontalem exactè obtineat, aliisque ejusmodi in praxi observanda; quæ singula Lector, cum occasio feret, poterit ex ipsius opere facile cognoscere. Venio jam ad alteram hujus Instrumenti partem, quæ praxim spectat, ex eodem Scriptore luculenter descripatam.

### Problema V.

472. *Tabulæ Præterianæ usus, atque præstantia. Quoniam fulcrum per motum*

R

tripos

*tripodis ad horizontem adducitur, charta supra tabulam fulcro parallelam extensa, planum horizontale præsefert.*

In hoc itaque plano punctum eligitur primæ stationi datæ, vel ad libitum sumptæ respondens, & acu verticaliter infixæ signatur. Tabula verò ita dirigitur secundum visam, vel relatam extensionem areæ, ut complura sequentium stationum, aliisque ichnographica puncta in Tabulæ charta signari queant; cumque prima basis pervia, & apta electa fuerit, ad ejus terminum visum recta linea in tabula ducitur, & stationis adeundæ lineavocatur.

Hæc porro, quatenus ab aliis, quæ ducetæ, vel ducendæ sunt, distingui possit, acu altera, in eadem directione, prout spatiū patitur, antrorsum, vel retrorsum fixa, & non parum distante notatur.

Signo ibi posito, nisi quodpiam stabile fuerit, transitur ad sequentem stationem; & in ipso transitu sumitur mensura distantiae, quæ basim constituit.

Ejus longitudo reducta, sive à Scala desumpta, transfertur in ejus lineam, ut habeatur terminus basis assumptæ, nempe ichnographicum punctum secundæ stationis, acu pariter infixæ signandum. Ex hoc novo centro licebit alias rectas quocunque ducere lineas, postquam tabula in debito ante omnia situ constituta, & punctum præcedentis stationis directum fuerit ad signum in ipsa relicturn.

Ita

Ita porrò per Tabulæ motum circularem, & rectum linea stationis redit ad verticale planum, in quo signata fuit; & reliquæ lineæ omnes prius ductæ evadunt parallelæ verticalibus planis, in quibus eæ ducebantur. Proinde collineando ad objecta prius visa, & intersecando lineas in præcedenti statione ad eadem ductas, puncta intersectionum fiunt puncta ichnographica objectorum distantium.

Verum haec exemplis, & praxi multo  
evidenter intelligent Tirones.

### Problema VI.

473. Aream rectilineam perviam ex TAB.  
unica statione ichnographice describere. XI.

*Resolutio. I.* Positâ Tabulâ Prætorianâ in situ horizontali, ut semper esse debet, ac præterea, si lubeat, in uno figuræ angulo, ita ut punctum a vertici ejus immineat : per dioptras regulæ affixas collineatio fiat in baculos in singulis angulis B, C, D, E defixos ; ducanturque lineæ indefinitæ ab, ac, ad, ae.

II. Investigetur longitudi rectarum a B, a C, a D, a E.

III. Deinde juxta scalam modicam determinentur in Tabula rectæ  $ab$ ,  $ac$ ,  $ad$ ,  $ae$ .

IV. Ducantur *bc*, *cd*, *de*.  
Dico *abcde* esse similem figuræ A B  
C D E.

Demonstratio. Nam triangula  $a b c$ ,  
R 2 a B

$a$  B C per Constr. similia sunt, cum habeant latera  $ab$ ,  $ac$ ,  $aB$ ,  $aC$  circa communem angulum  $a$  proportionalia. Atque ita porro de reliquis triangulis. Quod erat &c.

*Aliter.*

TAB. I. Tabulâ intra figuram positâ, eligatur punctum  $g$ , ex quo per dioptras regulae affixas, ut ante, collineatio fiat in Fig. 292. bacilos defixos in A, B, C, D, E, F; ducanturque rectæ indefinitæ  $ga$ ,  $gb$ ,  $gc$  &c.

II. Investigetur longitudo rectarum  $gA$ ,  $gB$ ,  $gC$  &c.

III. Inde determinetur longitudo rectarum  $ga$ ,  $gb$ ,  $gc$  &c. juxta scalam modicam.

IV. Tandem ducantur  $ab$ ,  $bc$ ,  $cd$ . &c. Dico  $abcde$  esse similem figuræ ABCDEF.

Demonstratio est eadem.

### Problema VII.

TAB. 474. Ichnographiam areæ ABCDE non ubique perviae, cuius anguli videri possint, ex duabus stationibus A & B perficere.

*Resolutio.* I. Positâ tabulâ in A, collineatio fiat in singulos areæ angulos B, C, D, E; ducanturque in mensula versus eorundem vertices rectæ ex punto a.

II. Quæratur distantia stationum A, B, & in mensulam ex Scala geometrica transferatur in ab.

III.

III. Mensula ex A deferatur in B , hac lege , ut punctum cognomine *b* in eâ designatum , ipsi B respondeat , & regulâ ad lineam *b a* applicatâ , per diopteras collineanti baculus in A defixus occurrat .

IV. Ex puncto *b* secundæ stationis in singulos rursus figuræ angulos collineatio fiat , & versùs eosdem rectæ ducantur , quæ priores in *e* , *d* , *c* intersecant .

V. Denique jungantur intersectionum puncta *a* & *e* , *e* & *d* , *d* & *c* , rectis *a e* , *e d* , *d c* .

Dico Ichnographiam esse absolutam .

*Demonstratio.* Nam per Construcciónem in utraque statione A & B , eadem linea *a b* & *b a* congruit eidem directioni ; angulique E a D , D a C , C a B primæ stationis , æquantur angulis *e a d* , *d a c* , *c a b* secundæ stationis , singuli singulis ; adeoque lineæ *a E* , *a D* , *a C* parallelæ sunt lineis *a e* , *a d* , *a c* . Hinc facile demonstrabis triangula E a D , D a C , C a B similia respectivè triangulis *e a d* , *d a c* , *c a d* ; adeoque &c. Quod erat &c.

*Scholion.*

*Hæc cursim indicare libuit , quantum satis esset , ut Tirones intelligerent abstractâ hæc , ut vocant , Theorematâ exercendæ praxi viam ipsis amplissimam aperire , & quod caput est , ideoneos reddi legendis Scriptoribus majoris notæ , qui banc materiam accuratiū tractarint .*